

**ԱՇՈՏ Ա ՄԵԼ ՔՈՆՅԱՆ**

*ԳԱԱ պատմություն ի ն ս տի տու տ,  
պ.գ.դ., պրոֆեսոր, ԳԱԱ ակադեմիկոս*

**ՍՅՈՒՆԻՔԸ Հ ՍՅՈՑ ՊԵՏԱԿԱՆՈՒԹՅԱՆ Հ ՈԼՈՎՈՒՅ ԹՈՒՄ  
(ՊՍՏ ՍԱԿԱՆ ԱԿՆԱՐԿ)**

*Բանալի բառեր*<sup>1</sup> Սյունիք, պետականություն, սղնախներ, մեղիքություններ, Ինքնավար Սյունիք, Լեռնահայաստան:

Հայ ժողովրդի հինգ հազարամյա պետականություն պատմության մեջ պատմական Հայաստանի յուրաքանչյուր տարածաշրջան իր ուրույն տեղն ու դերն է ունեցել: Որոշ պատմափուլերում՝ հատկապես համահայկական պետականության բացակայության շրջանում, Հայաստանի առանձին նահանգներ, անգամ գավառներ ու Լեռնային համայնքներ իրենց վրա են վերցրել գոնե երկրի մեկ հատվածում մեր ժողովրդի ինքնիշխան սարքվումը և նրան անհրաժեշտ գործառույթը: Ավելին, երբեմն այդօրինակ պետական կազմավորումները՝ իբրև ինքնատիպ հենասյուններ, լուրջ նախադրյալներ են ստեղծել համահայկական պետականության վերականգնման ու ամրապնդման համար: Արևմտյան Հայաստանում այդպիսի կազմավորումներ կարելի է մատնանշել Մոկուում, Մուշ-Սասունում, Շատախում, Համշենում, Կիլիկիայի տարածաշրջանում՝ Ջեյթումում, Մարաշում, Հաճնում և այլուր:

Արևելյան Հայաստանում հայոց պետականությունը շարունակաբար պահպանած երկրամասերի մեջ, անտարակույս, առանձնանում են Սյունիքն ու Արցախը<sup>1</sup>: Պատահական չէ, որ 11-րդ դարի կեսերին հայոց կենտրոնական թագավորության կործանումից հետո այս երկունահանգն էլ ինչպես ուշ միջնադարում, այնպես էլ նոր ու նորագույն դարաշրջաններում, շնորհիվ զանազան թշնամիների դեմ տեղի հայությունն անդուլ ու հերոսական պայքարի, թեկուզև որոշակի տարածքի վրա ու ժամանակահատվածում, վերածվել են հայկական պետականություն յուրահատուկ կղզյակների, հաստատել անկախ պետություն ունենալու հայ ժողովրդի անկոտրում կամքը:

Փորձենք հայոց պետականության ընդհանուր շղթայի մեջ կարևորել Սյունիքի դերը: Անկասկած, հատկապես միջնադարյան Հայաստանում երկրի ներքին ինքնիշխանություն յուրահատուկ դրսևորում է եղել նախարարական (նաև՝ տանուտիրակյան) համակարգը, որը տեղերում ապահովել է հայ իշխանական դասի հարաբերական ինքնուրույնությունը կենտրոնական

<sup>1</sup> Հայոց պետականության պատմության մեջ Արցախի ունեցած դերի մասին տե՛ս **Մելքոնյան Ա.**, Արցախը հայոց պետականության պատմության հոլովությունում, Արցախը հայոց պետականության համար պայքարի քառուղիներում, միջագային գիտաժողով, 2018 թ. փետրվարի 23: Ջեկուցումների ժողովածու, Երևան, 2018, էջ 44-73:

իշխանությունն ից: Վերջինիս թուլացման կամ ամրապնդման ևս՝ բացակայությունն դեպքում տեղական ինքնիշխան մարմինները փոխարինել են կենտրոնական իշխանությունը՝ ինչ-որ մաստով պահպանելով պետականության անընդհատականությունը: Այդպիսի խնդիրներ դարերի ընթացքում լուծել են Մեծ Հայքի թագավորության նախարարական համակարգում հատուկ կարգավիճակ ունեցած Սյունյաց նախարարները:

Մասնագետ-պատմաբանները կարծիքով Մեծ Հայքի իններորդ նահանգ Սյունիքն իր կարգավիճակով նախապես չի տարբերվել թագավորության մյուս աշխարհներից: Այն Ք.ա. 3–2-րդ հազարամյակներում մաս է կազմել Արատտա, Արմանում, Էթիունի պետական կազմավորումներին, սպա՝ Ք.ա. առաջին հազարամյակում եղել է Վանի (Արարատյան), Երվանդունյաց ու Արտաշեսյան թագավորությունների կազմում: Վաղ միջնադարում, պայմանավորված ավատատիրական հարաբերությունների արմատավորմամբ, հայ նախարարական դասի տնտեսական ու ազգային ազդեցություն ու ժեղացմամբ, հայ Արշակունիները հարկ են համարել ի թիվում իքանի նախարարական տոհմերի, հատուկ առանձնաշնորհումներով օժտել նաև Սյունիներին, որոնք Մովսես Խորենացու վկայությամբ դեռ առասպելական Վաղարշակ թագավորի օրոք այքի էին ընկել արքունիքին հավատարմորեն ծառայելու շնորհով, որի համար ստացել էին պետության արևելյան նահանգների կուսակալի ու գործերի հրամանատարի պաշտոնները:

Տրդատ Գ Արշակունին 314 թ. ոչ միայն հողեր շնորհեց Սյունի տոհմի առաջնորդ Անդովկ Ա-ին, այլև ճանաչեց իր թագավորության կազմում ինքնուրույն իշխանություն ունենալու նրա իրավունքը: Ըստ «Զորանամակի» Սյունիները ամենամեծ հեծյալ գործ՝ 19400 զինվոր ունեցող նախարարներն էին<sup>2</sup>: Նրանք արքունիքում արքային ամենամոտ կանգնած պաշտոնյաներից էին: Պատահական չէ, որ նրանց տրված էր հատուկ արծաթե գահի վրանստելու (այստեղից էլ նրանց գահերեց իշխան կոչվելու պարագան), մարգարտյավարսակալ, վարագագիր մատանի, ոսկյա մական, ազնվական ծագումը մատնանշող կարմիր գույնի կոշիկներ կրելու իրավունք և այլն: Իշխանության կենտրոնը նախապես Ծղուկ գավառի Շաղատ գյուղաքաղաքն էր, սպա՝ Սյունի (այժմ՝ Սիսիան) ավանը, ավելի ուշ՝ Կապան քաղաքը:

Սյունի նախարարները հաճախ պաշտոնական պատվիրակություններ կազմում մասնակցում էին արտասահմանյան ուղևորություններին: 303 թ. Գրիգոր Լուսավորչի ձեռնադրման նպատակով Կեսարիա մեկնած պատվիրակների մեջ էր Սյունիքի իշխանության հիմնադիր Անդովկ Սյունին: Վերջինիս որդին՝ Վաղինակ Ա-ն Խոսրով Կոտակի գահակալության տարիներ

<sup>2</sup> Բարկեն Հարությունյանի կարծիքով՝ այդ հեծյալների թվում հաշվված են նաև Սյունի իշխանների մարգարտյավարսակալ 15 հազար տանուտիրական գործերը, իսկ գուտ Սյունիքի գործը կազմել է 4400 հեծյալ: Ի դեպ, մյուս սահմանակալ նախարարներին՝ Աղձնիքի և Գուգարքի բողջինների հեծելեզորը ևս բաղկացած է եղել գրեթե նույնքան հեծյալներից, համապատասխանաբար՝ 4000 և 4500 (Հայոց պատմություն, հ. II, գիրք առաջին, Երևան, 2018, էջ 402):

րին դարձել էր արքայի ամենավստահելի անձանցից մեկը: Նրա օգնությամբ հաջողվում է ճնշել Աղձնիքի Բակուրբեդեղի խռովությունը: Դավաճան բեդեղիին պատժելուց հետո Հայոց արքան կազմակերպում է Վաղինակի ամուսնությունը Բակուրբեդեղի հետևյալ ճանապարհով Աղձնիքի բեդեղի պատնու վոխանցում Սյունիներին, որոնք այն զբաղեցնում են ժառանգաբար՝ գրեթե մինչև Արշակունիների անկումը: Նշանակում է, որ Սյունիներին էր հանձնված Մեծ Հայքի ոչ միայն արևելյան, այլ նաև հարավարևմտյան սահմանները հսկողությունը:

Արշակունիները արքունիքում Սյունիներն իրենց դիրքերն ավելի են ամրապնդում Վաղինակի եղբոր՝ Անդովկ Բ-ի օրոք (339–385 թթ.), հատկապես այն բանից հետո, երբ Արշակ Բ-ն ամուսնանում է նրա դստեր՝ Փառանձեմի հետ: Ներսես Մեծ կաթողիկոսի կողմից Սյունիքին տրվում է նաև հոգևոր-եկեղեցական բարձր կարգավիճակ՝ մետրոպոլիտություն ունենալու իրավունք:

Սյունիքում հաջորդաբար իշխում են Անդովկ Բ-ի որդիները՝ Բաբիկունու Վաղինակ Բ-ն: Վերջին իշխանը Բաբիկի որդին էր՝ Վասակ Սյունին (413–451 թթ.), որին Արշակունիների հարստության անկումից քիչ անց, վիճակվում է դառնալ Հայոց մարզպան, այսինքն՝ Հայաստանի գլխավոր պատնույն, այն էլ բավական լայն լիազորություններով: Հանգամանորեն չանդրադառնալով Վասակի կերպարին և գնահատականներ չտալով նրա գործունեությանը, միայն նշենք, որ ժամանակի պատմիչների վկայությամբ նա 450–451 թթ. հակապարսկական ազատագրական պատերազմի սկզբնական փուլում գլխավորել է հայ ժողովրդի պայքարը, անգամ հորդորել սպարապետ Վարդան Մամիկոնյանին՝ չլքելու ապստամբների շարքերը, հանգամանքներ, որոնք հիմք են տվել մեծանուն պատմաբաններ Անտոն Գաբազաշյանին, Նիկողայոս Ադունցին, Հրանտ Արմենին և այլոց վերանայելու պատմաբանների մոտեցումները ավանդաբար նրան դավաճաններ կայացնելու հարցում<sup>3</sup>:

Արշակունիներին անկմանը գուցենթաց նկատելիորեն թուլանում է նաև Սյունյաց իշխանությունը: Մակայն 6–7-րդ դարերի պարսկաբյուզանդական մրցակցության և 7–8-րդ դարերի արաբական արշավանքների ժամանակաշրջանում Սյունիքի հայությունը շարունակում է ակտիվ պայքարը օտար տիրապետության թոթափման ու երկրամասի ինքնիշխանության վերականգնման ուղղությամբ: 610 թ. Քրիստոսի խաչափայտը վերադարձնելու համար պարսից արքա Խոսրով Փարվեզի դեմ պայքարում բյուզանդական կայսր Հերակլ Եսին աջակցողների թվում աղբյուրներում հիշատակվում է Սյունյաց Բյուրեղ իշխանուհին: 821 թ. Սյունիքի վրա հարձակում գործած Ատրպատականի Խուրամյանների առաջնորդ Բաբեկի դեմ պայքարը գլխավորում է Վասակ Գ Սյունին (780–821 թթ.): Արաբների մոտ ծառայության անցած ազգությամբ թուրք գործավար Բուդայի գործերը 852–853

<sup>3</sup> Տե՛ս Վեմյան Խ., Վասակ Սյունիի պատմական գնահատության շուրջը, Հայկական ՍՍՌ ԳԱ տեղեկագիր, 1965, թիվ 1, էջ 41–68: Адонц Н., Марзпан Васак перед судом историков, СПб., 1904:

թթ. կատաղի դիմադրություն են հանդիպում ինչպես Սյունիքում, այնպես էլ Արցախում:

9-րդ դարից սկսվում է Սյունյաց իշխանական տան նոր վերելքը: Սյունիները Հայոց թագավորություն վերականգնման համար պայքարը դեկավարող Բագրատունիների կողքին էին: Նրանք մասնակցել են 875 թ. Գևորգ Գառնեցի կաթողիկոսի հրավիրած ժողովին, որին պատակը Արաբական խալիֆայությունից Աշոտ Բագրատունի իշխանաց-իշխանի համար թագստանալն էր: Այդ ժամանակաշրջանում Սյունիների իշխանական տոհմը կարողանում է իր ազդեցությունը տարածել Վայոց ձորի և Գեղարքունիքի վրա, այդ գավառներում իշխանությունը հանձնել իրենց տոհմից սերված իշխաններին: Շուտով Սյունյաց իշխանները նահանգում ամրապնդում են նաև իրենց հոգևոր-եկեղեցական ինքնուրույնությունը. 906 թ. մեծ հանդիսավորությամբ օծվում է Տաթևի վանքը: Արարողությունը մասնակից են դառնում Վասպուրականի իշխան (908 թվականից՝ թագավոր) Գագիկ Արծրունին, Հայոց կաթողիկոս Հովհաննես Դրասխանյանի և Աղվանքի կաթողիկոս Միմեոնը, Արցախի իշխան Եսային, Գարդմանի տեր Մահակ Սևադան և ուրիշներ:

Նորաստեղծ Բագրատունյաց թագավորությունը վիճակված չէր պահպանել երկրի միասնականությունը: 10-րդ դարի սկզբին Սյունիքի և Վասպուրականի իշխանական տների միջև Նախճավանի պատկանելություն շուրջ վեճ է ծագում: Սմբատ Ա Բագրատունին (890–914 թթ.), չկամենալով Սյունիներին տրամադրել իր դեմ, ինդիրը լուծում է նրանց օգտին՝ հույուսունենալով, որ իր քրոջ որդին՝ Վասպուրականի իշխան Գագիկ Արծրունին ըմբռնումով կմոտենա իր այդ քայլին: Մակայն Գագիկը, հավատալով՝ Հայոց թագը ստանալու վերաբերյալ Ատրպատականի Մաջյան ամիրա Յուսուֆի խստամտմանը, Վասպուրականը հռչակում է ինքնուրույն թագավորություն: Ամբողջ 10-րդ դարի ընթացքում շարունակվում է Բագրատունյաց թագավորություն մասնատման գործընթացը. հռչակվում են Կարսի (963 թ.) և Տաշիր-Չորագետի (978 թ.) թագավորությունները: Յավոք, շուտով, թեպետև ամենավերջինը, պառակտման ուղին է բռնում նաև Սյունիքը:

987 թ. Սյունիքի գահերեց իշխան Սմբատն իր երկրամասը հռչակում է ինքնուրույն թագավորություն<sup>4</sup>: Սյունյաց տոհմի տարեգիր Ստեփանոս Օրբելյանն այդ քայլն արդարացնում է հետևյալ պատճառաբանությամբ: Այդ ինչու Բագրատունիներից սերվածները կարող են լինել թագավոր, իսկ մենք, որ նույնպես սերում ենք Հայկնահապետից՝ ոչ: «Արդ առաջին թագաորեացի Միսական աշխարհաարին և քաջն, -գրում է պատմիչը,- հզոր և բարեպաշտ արքայն Սմբատ՝ որդի Մահակայ ...»<sup>5</sup>: Սմբատ թագավորը մահանում է 998 թ. և ամփոփվում Տաթևի վանքում: Նրան փոխարինում է որդին՝

<sup>4</sup> Սյունյաց (նաև՝ Կապանի, Բաղաց) թագավորությունը նդարձակ սահմանների մասին տե՛ս **Հակոբյան Թ.**, Սյունիքի թագավորությունը պատմա-աշխարհագրական առումով, Երևան, 1968, էջ 57–72: Սյունիքի թագավորությունը պատմությունը մանրամասն տե՛ս **Григорян Г.**, Очерки истории Сюника IX–XV вв., Ереван, 1990:

<sup>5</sup> **Ստեփանոս Օրբելեան**, Պատմություննահանգին Միսական, Փարիզ, 1959, էջ 317:

Վասակ Ա-ն (998–1040 թթ.), որի դուստրը՝ Կատրանիդեն ամուսնանում է Բագրատունյաց ամենանշանավոր արքայի՝ Գագիկ Ա-ի հետ: Կատրանիդեն իր մոր՝ Շահանդուխտի և սկեսուրի՝ Խոսրովանույ շիրօրի նակով զբաղվում է եկեղեցաշինության ամբ: 1001 թ. Անիում ավարտվում է նրան փխածեռնության ամբ սկսված Կաթողիկե մայր տաճարի շինարարությունը:

Գագիկ Ա Բագրատունին, ընդառաջ գնալով իր խնամի Վասակ Սյունուն և կնոջ՝ Կատրանիդեի խնդրանքներին, վերականգնում է Սյունիքի մետրոպոլիտությունը, որը վերացվել էր Անանիա Մոկացի կաթողիկոսի կողմից 960-ական թվականներին: Մետրոպոլիտության հոգևոր իշխանությունը տարածվում էր նաև Նախճավանի, Ջուղայի, Երնջակի, Ճահուկի և այլ գավառներով: Սյունիք առանձին միաբանություն, որոշ տվյալներով՝ շուրջ հազար միաբաններով: Հայտնի է, որ թագավորության տարածքում հաշվվող շուրջ հազար գյուղերի մի մասը պատկանում էր Տաթևի վանքին: Եկեղեցական-մշակութային խոշոր կենտրոնի էր վերածվել Վահանավանքը<sup>6</sup>:

Ուշագրավ է, որ վերջին Սյունի թագավորները, չունենալով արուզավաներ, հետզհետե իրենց գահը փոխանցում են Արցախի իշխաններին, որոնց հետունեին սերտ ազգակցական կապեր: Գանձակի ամիրայություն կողմից 1170 թ. Սյունիքի վերջին դիմադրական ամրոցի՝ Բաղաբերդի գրավումից հետո Մայրհայրենիքում կործանվում է հայկական վերջին թագավորությունը: Վերջին գահակալը Հասան Խաչենցին էր (1166–1170 թթ.):

Թագավորության անկումով Սյունիքում չի վերանում պետականությունը: Ներքին ինքնիշխանության որոշակի կարգավիճակով 13-րդ դարի առաջին տասնամյակներից երկրամասը շարունակում են կառավարել Ջալալյաններին ենթակա Օրբելյան և Պոռոշյան իշխանական տներին երկայացուցիչները:

16-րդ դարից սկսած Արցախում, Սյունիքում և Արևելյան Հայաստանի լեռնային միջառաքյալ շրջաններում ստեղծվում են հայ գինականների պաշտպանական ճամբարներ՝ սղնախներ: Վերջիններին հիմքի վրա հայ իշխանական տներ շառավիղները ձևավորում են հայկական կիսանկախ պետական նոր կազմավորումներ՝ մելիքություններ: Հիշենք, որ *մելիք* բառը արաբական ծագում ունի, որ նշանակում է թագավոր: Սյունիքի մելիքությունները կարևոր դերակատարություն են ունենում 16–18-րդ դարերի հայ ազատագրական պայքարի ծավալման գործում: 17-րդ դարի վերջին և 18-րդ դարի սկզբին այդ պայքարի առաջամարտիկներին է դառնում տեղի մելիքական տոհմերից սերած ազգային գործիչ Իսրայել Օրին: 1722–1730 թթ. Սյունիքում ազատագրական պայքարի գլուխկանգնում են Վրաստանից ժամանած Դավիթ Բեկուն և Մխիթար սպարապետը: Վրաց Վախթանգ Ջրագավորը

<sup>6</sup> Վահանավանքի մասին տե՛ս **Գրիգորյան Գ.Մ.**, Վահանավանք (պատմահայկոսական ուսումնասիրություն), Երևան, 2007:

«եւ ետզ Դավուն թ Պէկն, որ ի յ ազգէն Հայոց, երկու հազար արեամբ, եւ զիշխանութիւն ետնմագօրս գումարել եւ պահել զերկիրն Ղափանցւոց»<sup>7</sup>:

Դավիթ Բեկի քաջերը կարողանում են Սյունյաց Լեռնաշխարհը մաքրել քոչվոր նվաճողներից, ազատագրել տեղի միջարքնշանավոր ամրոցներ ու բնակավայրեր (Շինուհայր, Ջեյվա, Լևազ, Որոտան, Մեղրի): Կարևորելով Դավիթ Բեկի զինուժի դերը պետական թուրքերի դեմ պայքարում՝ 1724 թ. Պարսից շահ Թահմասպադ-ն պաշտոնապես ճանաչում է Սյունիքի իշխանություն անկախությունը: Շուտով հայկական իշխանություն դեմ պայքար է սկսում Օսմանյան կայսրությունը<sup>8</sup>: Հալիձորը դառնում է սյունեցիների դիմադրական մարտերի կենտրոնը:

1728 թ. Դավիթ Բեկի մահվանից հետո սյունեցիների պայքարի զուլիսկանգնում է Մխիթար սպարապետը: 1730 թ. Օրդուբադ կատարած հաղթական արշավանքից Խնձորեսկ վերադառնալիս նա դավադրաբար սպանվում է: Այդ մասին պատմիչը գրում է. «Իրոց գօրացն հարեալ թոփով սպանին, եւ վաղվաղակի Հայոցն հատեալ զզուլիսնորա՝ տարին առ փաշայն Թավրիզու. եւ նա ըստ արժանեացն հատոյց նոցա, հատանելով զզուլիսան զգամացն, եւ ասէ Ջիարդի իշխեցիք զայդպիսի քաջայր սպանանել ի գուր տարապարտուց»<sup>9</sup>:

Դավիթ Բեկի և Մխիթար Սպարապետի զլիսավորած հերոսական կռիվներն անհետևանք չեն մնում: 1918 թ. Անդրանիկ Օզանյանը, 1919 թ.՝ Արսեն Շահմազյանն ու Գարեգին Նժդեհը նրանց պայքարը շարունակում են թուրք-թաթարների ու բոլշևիկների դեմ՝ կարողանալով Սյունիքը պահել աննվաճ: 1920 թ. դեկտեմբերի 25-ին, երբ Երևանում խորհրդային կարգեր հաստատված համայնավարները մարաքաղաքում զբաղված էին կոմունիստական շաքաթօրյակ կազմակերպելով, Նժդեհի զլիսավորություն ամբաստանելով հրավիրված համազանգեզուրյան առաջին համազումարը երկրամասը հոչակում է «Ինքնավար Սյունիք», որը համազանգեզուրյան երկրորդ համագումարում՝ 1921 թ. ապրիլի 27-ին՝ վերանվանվում է «Լեռնահայաստան»<sup>10</sup>: Նույն թվականի հունիսի 1-ին Լեռնահայաստանը պաշտոնապես իրեն հայտարարում է «Հայաստանի Հանրապետություն», որին վիճակվում է միևնույն հուլիսի կեսերը տարածաշրջանում լինելու վերջին ոչ խորհրդային, անկախ պետական կազմավորումը: Շուրհիվ Ջանգեզուրի հերոսամարտի երկրամասը փրկվում է Ադրբեջանին բռնակցվելու թուրք-թաթարական հեռանկարից և մնում Խորհրդային Հայաստանի կազմում:

Կասկածից վեր է, որ նշելով Լեռնահայաստանի հոչակման 100-ամյա փառապանծ հոբելյանը, ստեղծված ներկա աշխարհաքաղաքական բարդ իրավիճակում մենք լիովին գիտակցում ենք պատմությունից ճիշտ դասեր քաղել:

<sup>7</sup> Դավիթ Բեկի կամ «Պատմություն թիւն Ղափանցւոց», Վենետիկ-Ս.Ղազար, 1978, էջ 121:  
<sup>8</sup> Տե՛ս Հայոց պատմություն, III, գիրք առաջին, Երևան, 2010, էջ 46-48:  
<sup>9</sup> Դավիթ Բեկի կամ «Պատմություն թիւն Ղափանցւոց», էջ 142:  
<sup>10</sup> «Ինքնավար Սյունիքի» և «Լեռնահայաստանի» մասին մանրամասն տե՛ս Միմնյան Ա., Ջանգեզուրի գոյամարտը 1920-1921 թթ., Երևան, 2000, նույնի՝ Ջանգեզուրի հերոսամարտը 1917-1920 թթ., Երևան, 2009:

լ ու հրավայ ականը և մեր անկախ պետական ու թյ ան պահպանման համար Ար-  
ցախի Այ ու նիք աշխարհն էր ի կենսական անհրաժեշտ ու թյ ու նը:

**Ашот А. Мелконян, Институт истории НАН РА, д.и.н., профессор, академик НАН РА, Сюник в контексте армянской государственности (исторический очерк).**

Каждый регион исторической Армении имеет свое уникальное место и роль в истории пятитысячелетней государственности армянского народа. На некоторых исторических этапах, особенно в условиях отсутствия общеармянской государственности, отдельным образованиям, горным общинам приходилось брать на себя важную функцию сохранения государственности на отдельных частях Армянского нагорья. Несомненно, Сюник и Арцах выделялись среди территорий, неизменно сохранявших армянскую государственность в Восточной Армении. Неслучайно, что после распада центрально-армянского царства в середине XI века эти два региона, как в позднем средневековье, так и в новое время оставались островками армянской государственности.

С XVI века оборонительные лагеря армянских военных формирований – сигнахи, были созданы в Арцахе, Сюнике и ряде других горных районов Восточной Армении. На основе сигнахов армянские княжеские дома сформировали новые армянские полунезависимые государственные образования - меликства. В конце 17 века и в начале 18 века Исраэль Ори, национальный деятель из местной знати, становится одним из лидеров этой борьбы. В 1722–1730 гг. Давид Бек и Мхитар Спарапет возглавляют освободительную борьбу в Сюнике. Иранский царь Тахмасп II в 1724 г. с целью привлечения армянских военных сил в борьбу против Османской империи официально признает Сюникское княжество Давида Бека.

В 1918 г. Андраник Озаян, в 1919 г. Арсен Шахмазян и Гарегин Нжде в Сюнике продолжают борьбу против турок-татар и большевиков. Более того, после советизации большей части Восточной Армении 25 декабря 1920 года в Татевском монастыре на первом общезангезурском съезде во главе с Г. Нжде, провозглашается независимость «Автономного Сюника» («Ինքնավար Այ ու նիք»). 27 апреля 1921 г. это последнее антисоветское государственное образование Закавказья переименовывается в «Горную Армению» («Լեռնային անկախ») и продолжает свое существование до середины июля того же года. Благодаря сюникской освободительной борьбе армянскому народу удается провалить пантюркистский план захвата Сюника Азербайджаном и столь важный стратегический регион оставить в составе Армении.

**Ashot A. Melkonyan, Institute of History of the NAS RA, Doctor of Sciences in History, Professor, Academician of the NAS RA, Syunik in the context of the Armenian statehood (historical overview).**

Each region of historical Armenia has its own unique place and played its main role in the history of the five thousand-year-old statehood of the Armenian people. At some historical stages, particularly in the absence of the pan-Armenian statehood, individual entities, mountain communities had to take on an important function of preserving statehood in certain parts of the Armenian Highland. Undoubtedly, Syunik and Artsakh stood out among the territories that

invariably retained Armenian statehood in Eastern Armenia. It is no coincidence that after the collapse of the Central Armenian Kingdom in the mid 11<sup>th</sup> century, these two regions, both in the Late Middle Ages and in New Times, remained “islands” of the Armenian statehood.

Since the 16<sup>th</sup> century, defensive camps of Armenian military formations called “*the sghnakhs*” were created in Artsakh, Syunik and in few other mountainous regions of Eastern Armenia. On the basis of the sghnakhs, the Armenian princely houses formed new Armenian semi-independent state entities – the *Melikdoms*. At the end of the 17<sup>th</sup> – beginning of the 18<sup>th</sup> century, Israel Ori, a national figure from the local nobility, became one of the leaders of this struggle. In 1722–1730 David Bek and Mkhitar Sparapet lead the liberation struggle in Syunik. In 1724, in order to attract Armenian military forces in the struggle against the Ottoman Empire the Persian ruler Tahmasp II officially recognizes the Syunik principality of David Bek. In 1918 Andranik Ozanyan, and then in 1919 Arsen Shahmazyan and Garegin Nzhdeh in Syunik continue the struggle against the Tatar Turks and the Bolsheviks. Moreover, after the Sovietization of most of Eastern Armenia on December 25, 1920, the independence of the “Autonomous Syunik” was proclaimed in Tatev Monastery on the first all-Zangezur congress headed by Garegin Nzhdeh. On April 27, 1921, this last anti-Soviet state entity of Transcaucasia was renamed “Mountainous Armenia” and continued to exist until mid July of the same year. Thanks to the Syunik liberation struggle, the Armenian people manage to fail the pan-Turkist plan to capture Syunik by Azerbaijan and leave such an important strategic region as part of Armenia.



**ԱՐՑ ԱԽՐ Հ ԱՅ ՈՅ ՊԵՏ ԱԿԱՆՈՒԹՅԱՆ ՊԱՏ ՄՈՒԹՅԱՆ Հ ԱՄԱՏ ԵՔԱՏ ՈՒՄ**

Հիմնադրամատակարարության, Լեոնային Ղարաբաղի Հանրապետության, ազգային-ազատագրական շարժում, հայ բնակչության, պետականության, Արցախ, Արևելյան Հայաստան:

Հայկական Լեոնային Ղարաբաղի համապատասխան պետականության բացակայությունը դեռ չի նշանակել առհասարակ պետականության վերացում: Գոյություն ունենալով պատմական Հայաստանի մի հատվածում, որպես կանոն՝ պատմաաշխարհագրական նպաստավոր պայմաններ ունեցող տարածաշրջաններում այն ունեցել է պետականության տարբեր դրսևորումներ (իշխանապետություն, կիսանկախ համայնքնայլն) և ժամանակի ընթացքում վերածվել է համապատասխան պետության, որն էլ ուսումնասիրողներին հիմք է տվել այդուհետ այն համարել լիարժեք պետականություն: Հատկանշական է, որ տեղայնական նշանակության շատ պետական կազմավորումներ հաճախ հիմք են հանդիսացել համապատասխան պետականության ներքին ձևավորման համար:

428 թ. Արշակունիների անկումով միայն վերանում է թագավորությունը, իսկ պետականությունը ձեռք է բերում նոր դրսևորումներ՝ Արևելյան Հայաստանում՝ մարզպանության, իսկ Արևմտյան Հայաստանում՝ սատրապությունների տեսքով, որոնց հիմքում ընկած էր նախարարական համակարգը: Այդ խնդրի խորագիտակ Նիկողայոս Ադոնցն ընդգծում էր, որ «Նախարարական վարչակարգը իր կայունությունը պիտի պակաս ու ոչ ազրավ երևույթ է, որ առանց դրան հնարին է հայոց հին կյանքի և պատմության գիտական ընթրոնում ու ճիշտլուսաբանումը: ... Այդ երկարատև ժամանակաշրջանում նախարարությունը հանդիսացավ քաղաքական կարևոր գործունե, կարելի է ասել, հայոց պատմության լծակը. նախարարությունները ամբողջ երկրով ցրված քաղաքական ազատության օջախներ էին ..., նրա ժամանակ երկրի արտաքին կախվածությունը համատեղված էր ներքին ինքնուրույնության հետ, և այդ ճանապարհով ապահովվում էր երկրի ինքնատիպությունը»<sup>11</sup>:

Արևելյան Հայաստանում Արշակունիներից հետո իշխանությունը թագավորից անցնում է նախարարական դասին. երկիրը դառնում է հարկատու Մասանյաններին, սակայն գինական ու ժըմնում է նախարարների իրավասության ներքո: Այդ մասին պատմիչ Եղիշեն գրում է, որ երբ պարսից արքունիքը «...իբրև գնա (Արտաշես արքային -Ա.Մ.) ևս մերժեաց ի թագաւորութենէն, ի

<sup>11</sup> Ադոնց Նիկողայոս, Հայաստանը Հուստիսիանոսի դարաշրջանում, Եր., 1987, էջ 241:

նախարար արսն Հայոց անկան էր թագաւորութիւնն. զի թէպէտ նա գանձն յարքունիս Պարսկաց երթայր, սակայն այր ու ձին Հայոց բովանդակի ձեռնն նախարարացն առաջնորդէր ի պատերազմի»<sup>12</sup>:

Այսպէս թագավորին փոխարինած մարգպանը ստանձնում է նրամի շարք գործառնութեան, պահպանվում են Արշակունիներին օրոք առկա գրեթէ բոլոր գործակալութիւնները՝ հազարապետութիւնը, սպարապետութիւնը, մեծ դատավարութիւնը և այլն: Հատկապէս ուշագրավ է մադիսագութիւնը գործակալութիւնը, այն է՝ թագավորի թիկնագործի պետի պաշտոնի պահպանումը, այն դեպքում, երբ թագավոր այլևս չկար: Ի դեպ, ոչ միայն պաշտոններն էին պահպանվել, այլև շատ դեպքերում նաև դրանք իրենց նախկին տերերին՝ նախարարական հայտնի տներին՝ Մամիկոնյաններին, Սմատունիներին, Խորխոռունիներին հանձնելու ավանդույթը:

Վահանանց պատերազմից հետո Արևելյան Հայաստանում Պարսկաստանը ճանաչեց հայերի ինքնավար ապրելու իրավունքը և առժամանակ դադարեցրեց կրոնական հալածանքները: Վարդանանց ու Վահանանց պատերազմների ընթացքում հայ ժողովրդի մղած ազատագրական պայքարի շնորհիվ, Նվարսակի հաշտութիւն կնքումով 480-ական թվականներին կեսերից Հայոց պետականութիւնն ինքնավար տարբերակով վերականգնվեց ինչպէս Արևելյան Հայաստանի կենտրոնական հատվածում՝ Արարատյան երկրում, այնպէս էլ Հայոց Արևելից կողմերում՝ Արցախում Վաչագան Բարեպաշտի գլխավորութիւնով:

Հետագա դարերում Արցախում Առանշահի կները շարունակեցին պետականութիւն պահպանման ավանդույթները Հասան-Ջալալյաններին և տոհմիկ ազնվականական այլ տներին կողմից: Այսպիսով, V դարի վերջից Արցախը դարձավ տեղայնական մակարդակով հայոց պետականութիւն պահպանման կենտրոններից մեկը: Լեռներով մյուս նահանգներից կտրվածութիւնը հնարավորութիւն տվեց Արցախին դարեր շարունակ մնալ հայոց պետականութիւն կրողներից մեկը: Արցախի տեղնու դերը հայոց պետականութիւն համակարգում ավելի ընդգծվեց ուշ միջնադարում:

«Ուշ-միջնադարյան Հայաստանում,- գրում է Բ. Ուլուբաբյանը,- թաթար-մոնղոլական զավթիչներին, ապանրանց հետքերով եկած ակկոյունլու և կարա-կոյունլու թուրքերի կործանարար

<sup>12</sup> Եղիշէի վասն Վարդանայ եւ հայոց պատերազմին, ի լոյս անեալ բաղդատութեամբ ձեռագրաց աշխատութեամբ Ե. Տէր-Մինասեան, Եր., 1957, էջ 6:

<sup>13</sup> Հայոց պետականութիւն պատմութիւն մեջ Արցախի ունեցած դերակատարութիւն մասին մանրամասն տե՛ս Ուլուբաբյան Բ., Դրվագներ Հայոց Արևելից կողմանց պատմութիւն, V-VI դդ., Եր., 1981, նույնի Արցախի պատմութիւն. սկզբից մինչև մեր օրերը, Եր., 1994: Սույն հոդվածի ընդարձակ տարբերակը տե՛ս Մելքոնյան Ա., Արցախը Հայոց պետականութիւն պատմութիւն հոլովութիւն, «Հայոց պետականութիւն համար պայքարի քառուղիներում», միջազգային գիտաժողով, 23 փետրվարի 2018, զեկուցումների ժողովածու, Երևան, 2018, էջ 44-73:

հարվածները տակ, ոչ ոչացել էին հայկական իշխանությունները, և Խաչենը համարյա միակ վայրն էր, ուր պահպանվում էին հայ պետականության բեկորները, և ուր դեռևս բոլորք էին մնում հայոց քաղաքական ազատության կայծերը...»<sup>14</sup>: Արցախում, հարակից գավառներում և Հյուսիսարևելյան Հայաստանի այլ շրջաններում պահպանված իշխանական տները (Հասան-Ջալալյաններ, Դոփյաններ, Օրբելյաններ, Մելիք-Շահնազարյաններ և այլք) շատավիղները, ըստ մեծանուն վիպասան Ռաֆֆու երբեք չկորցրեցին «իրենց ինքնավարության իրավունքները» և ձևավորեցին հայ մելիքական դասը<sup>15</sup>:

Նոր ժամանակներում (XVII դարի կես – 1918 թ.) հայոց պետականության պատմությունն ունի իր առանձնահատկությունները: Առաջին շրջափուլում (XVII դարի կես XVIII դարի սկիզբ), որը կարելի է անվանել պետականության տեղական (տեղայնական) շատավիղների ժամանակաշրջան, բացակայում է համահայկական պետականությունը, բայց այն առկայծումներով ու զանազան դրսևորումներով՝ ինքնիշխան կազմավորումների (սղնախներ՝ պաշտպանկան ամրոցներ, մելիքություններ, իշխանապետություններ, ինքնավար համայնքներ) տեսքով երևան է գալիս Հայաստանի առանձին շրջաններում՝ Արցախում, Սյունիքում, Գեղարքունիքում, Մոկուում, Շատախում, Սասունում<sup>16</sup>, Կիլիկիայի լեռնային հատվածներում:

Այդուհետ շարունակվում են ազգային-ազատագրական պայքարի ընդհանուր շրջայում պետականության վերականգնման համար գործնական քայլերը Սյունիքում և Արցախում: Դրանով սկսվում է **պետականության վերականգնման գործնական քայլերի փուլը (1722-1747 թթ.)**: Սյունիքում Դավիթ Բեկի գլխավորած ազատագրական պայքարը պսակվում է հաջողությունամբ. 1724 թ. Իրանի Թահմասպ II շահը ճանաչում է Սյունիքի հայկական իշխանությունը՝ հաշվի նստելով հայերի ազատագրական ձգտումների հետ և նպատակ ունենալով Դավիթ Բեկի իշխանապետությունը օգտագործել ընդհանուր թշնամու՝ Օսմանյան կայսրության դեմ:

<sup>14</sup> Ուլուբաբյան Բ.Ա., Խաչենի իշխանությունը X-XVI դարերում, Եր., 1975, էջ 6:

<sup>15</sup> Հայ մելիքների ինքնավար կարգավիճակի, զինուժի, դատական իշխանության և այլ գործառնությունների և առհասարակ նրանց ստեղծած պետականության դրսևորումն հանդիսացող մելիքությունների մասին մանրամասն տե՛ս Ռաֆֆի, Խամսայի մելիքությունները, Երկերի ժողովածու, հ.10, Եր., 1959, 396-510, Ուլուբաբյան, նշվ. աշխ., Մաղալյան Արտակ, Արցախի մելիքությունները և մելիքական տները XVII-XIX դդ., Եր., 2007 և այլն:

<sup>16</sup> Արմալյան Հայաստանում ձևավորված հայկական կիսանկախ իշխանությունների մասին տե՛ս Բաղալյան Գ., Հայկական կիսանկախ իշխանություններն ու մելիքություններն Արևմտյան Հայաստանում և Լեռնային Կիլիկիայում, Վեմ, Եր., 2011, թիվ 137-155:

Հայ -ի բանակն համագործակցության արդյունքում 1730-ական թվականներին Նադիր խանի (շահ) ջանքերով ամրապնդվում են հայկական մելիքությունները ոչ միայն Արևելյան Հայաստանի լեռնային շրջաններում (Սյունիք, Արցախ, Գեղարքունիք), այլ նաև հարթավայրերում: Արդեն նրա 1734 թ. հրովարտակով Արցախի Դովշանլու գյուղի ավագերեց Դավիթը հաստատվում է ինչպես այդ, այնպես էլ Խաչենի մի քանի այլ գյուղերի ավագի ու մելիքի պաշտոնում: «Կարգադրությանը չպետք է հակառակվեն, - հրահանգվում էր փաստաթղթում, - և այն ընդունելով որպես խիստ կարգադրություն՝ ջանք չխնայեն նրա կատարման հարցում: Թող այն իրենց պարտականությունը համարեն»<sup>17</sup>:

Մեկ այլ հրովարտակով Նադիրը Գեղարքունիքի մելիք Մելիքջան Մելիք-Շահնագարյանի որդուն՝ Սանուշարին «ետնմա իշխանություն, ունել ընդ ինքեան գղահլիճ..., և անուանեաց գնամիրիմիրան կամ պէյլէրպէյի ի վերայ Արարատեան երկրի և մասին ինչ Սիւնեաց»: <sup>18</sup> 1738 թ. շահական հատուկ հրամանագրով մուսթուրան իրավունքներ շնորվեցին Երևանի մելիքներ Հակոբջանին ու Մկրտումին «Նմանների մեջ լավագույն խնդրարկուների բարի ծառայության համար այնպես, ինչպես նախկինում արքայական հրամանագրով հաստատվել էր նրանց մելիքություն *մուսթուրանում* ու մյուս [իրավունքները], ըստ կարգի...»<sup>19</sup>:

Բազմաթիվ հայ մելիքներ պարսիկների հետ դաշնակցած պայքարում են ընդհանուր թշնամու՝ օսմանցիների դեմ: Այդ պայքարում փաստական ինքնավարություն են ձեռք բերում հատկապես Արցախի մելիքները, Դիզակի մելիք Եզանի գլխավորությամբ, որոնց գինական ուժերի հետ Նադիրի գործակցությունը բարձրանում է նոր աստիճանի: Արցախում Գանձակի նախկին բեկլարբեկությանը ենթակա Վարանդայի, Դիզակի, Ջրաբերդի, Խաչենի և Գյուլիստանի գավառներում 1736 թ. ծնունդ է առնում հայկական նոր ինքնավարություն՝ Խամսայի (արաբերեն խամսա՝ հինգ) մելիքությունները: Նադիրը, խիստ կարևորելով հայության դերը հակաթուրքական պայքարում, չի հասպտում ճանաչել Արցախյան այս յուրահատուկ պետականությունը: Նա փաստորեն վավերացնում է հայերի շուրջ 15-ամյա հերոսական պայքարի արդյունքում ստեղծված իրողությունը<sup>20</sup>:

<sup>17</sup>Մատենադարան, Կաթողիկոսական դիվան, թղթապանակ 2բ, վավերագիր 182, բնագիր և ք. Կոստիկյան, Մատենադարանի պարսկերեն հրովարտակներ, պրակ IV, Երևան, 2005, վավ. 2:

<sup>18</sup>Մելիք-Սիլիմեանց Հ. Ջմիռնիացի, Համառոտություն պատմության Հայկազեանց, Մատենադարան, ձեռագիր 2888, էջ 341ա, հմմտ. Հայոց պատմություն, ՀՀ ԳԱԱ հրատ., հ. 3, գիրք առաջին, Եր., 2010, էջ 55:

<sup>19</sup>Մատենադարան, Կաթողիկոսական դիվան, թղթ. 1գ, վավ., 1032:

<sup>20</sup>Տե՛ս Հայոց պատմություն, ՀՀ ԳԱԱ հրատ., հ. 3, գիրք առաջին, էջ 64-65:

Այս պիստով, Արցախում պետականության յուրօրինակ դրսևորումներ են դրան հայկական սղնախներն ու մեկիքությունները: Պատահական չէ, որ Արցախի դերը խիստ կարևորվեց XVIII դ. երկրորդ կեսին առաջ քաշված ազատագրական ծրագրերում:

XVIII դ. երկրորդ կեսը և XIX դ. առաջին կեսը Հայաստանի ազատագրության նոր ծրագրերի մշակման և մասնակի գործադրման փուլն էր: Այն սկսվում է հնդկահայ նշանավոր գործիչ Հովսեփ Էմինի բուն գործունեությամբ<sup>21</sup> 1768-1774 թթ. ռուս-թուրքական պատերազմը և 1783 թ. ռուս-վրացական Գեորգևսկի դաշնագրով Վրաստանի ռուսական հովանավորության ընդունումը նոր խթան հանդիսացան ավելի բովանդակալից ազատագրական ծրագրերի մշակման համար: 1769 թ. աստրախանյան հայ գործիչ Մովսես Սարաֆյանի կազմված ծրագրերում նախատեսվում էր հայոց թագավորության վերականգնում Ռուսաստանի օժանդակությամբ: Պետականության վերակերտման գործում կարևորություն էր տրվում Հայաստանի այն շրջանների փորձին, որոնք ժամանակ առ ժամանակ եղել էին ինքնավար կազմավորումներ և հայ ժողովրդի կողմից ընկալվել են որպես ընդօրինակության արժանի և թագավորության վերականգնման առավել հնարավոր տարածաշրջաններ: Մասնավորապես, մատնանշվում էին Արցախն ու Սյունիքը: Պատահական չէ, որ ապագա Հայոց թագավորների թեկնածուների շարքում Մ. Սարաֆյանը տեսնում էր Արցախի մեկիքներին: Այն հայտ է, որ 1722-1747 թթ. Արցախում պետականության վերականգնման իրողությունը և մեկիքություններին շատավիդերը հստակ կնիք էին դրել ազատագրական պայքարի ղեկավարների նմանատիպ մտածողության վրա:

Ուշագրավ է, որ այդ ժամանակ մեկիքները և սգիտակցում էին թագավորության վերականգնման գործում իրենց առաքելությունը, չէին մոռանում իրենց հայոց արքայական ծագումն ու առիթ առ առիթ այդ մասին հիշատակում էին պաշտոնական գրագրություններում: Այսպես, 1781 թ. սեպտեմբերի 2-ին ռուս մեծ գորավար Ալեքսանդր Սուվորովին և Եկատերինա II կայսրուհուն հասցեագրած հերթական նամակներում, որտեղ ինդրում էին զինական օգնություն մահմեդականների դեմ անհավասար պայքարում, Արցախի մեկիքները (Ադամ, Բեգլար, Իսրայել) իրենց մասին գրում էին. «Մեք ներքոյ անվանեալքս Ղարաբաղու հայոց թագաւորաց ազնիւ զինվորած (ց) մնացեալ ժառանգք մեկիքներըս», «մեք ի ազգաց հայոց ի տանիցն Արշակունեաց և Աւդանից ի արքունական գահոյից, մնացեալ ազնիւ

<sup>21</sup> Հովսեփ Էմինի ազատագրական գործունեություն և ծրագրերի մասին մանրամասն տե՛ս Иоганнисян А.Р., Иосиф Эмин, Ер., 1945.

զինաւորացէն ժառանգ մէլիքներու և մեր բոլոր երկիրս իշխանօվք հանդերձ...»<sup>22</sup>:

Հայոց պետականաշինութեան գաղափարական տեսլականը նոր բարձրութեան են հասցնում հնդկահայ նշանավոր գործիչներ Շահամիր Շահամիրյանը և Մովսէս Բաղրամյանը: Մադրասում 1771 թ. նրանց հիմնադրած տպարանում շուտով լույս են տեսնում Մ. Բաղրամյանի «Նոր տեսրակ, որ կոչի յորդորակ» և Շ. Շահամիրյանի «Որոգայթ փառաց» աշխատությունները, որոնցում անդրադարձ էր կատարվում հայ ժողովրդի ծանր վիճակին և միապետության փոխարեն, առաջարկվում էր ստեղծել ժողովրդավար պետություն, որն ըստ հեղինակների՝ հայոց պետականության կործանման գլխավոր պատճառներից է եղել: Ի տարբերություն անախորհ բոլոր ծրագրերի Շահամիրյանի նախագիծը, որը հայտնի է «Հարավային ծրագիր» անունով, առաջ էր քաշում տվյալ ժամանակաշրջանի համար արտաոց՝ ընդհանուր ընտրական իրավունքի հիման վրա ձևավորված հանրապետական Հայաստան ստեղծելու գաղափարը: Ապագա Հայաստանում ամեն ինչից վերլինելու էր ոչ թե միապետի կամքը, այլ օրենքը: Ըստ «Որոգայթ փառացի» անհրաժեշտ է «կալ և մնալ ձեզ կախեալ ըստ օրինաց ձերոց զինչ ոք իցէ՝ որ իշխեսցէ ի վերայ ձերբայց օրէնս ձեր»<sup>23</sup>:

Այդպէս մկնու Վ. Բարխուդարյանը, անդրադառնալով XVIII դարի երկրորդ կեսի ազատագրական ծրագրերին, ընդգծում է, որ «Առավել էականն ու հատկանշականն այն է, որ ինչպէս Հայաստանում, այնպէս էլ Ռուսաստանի և Հնդկաստանի գաղութներում երկիրն ազատագրելու հետմեկ տեղ միահամուռու աներեր խնդիր էր դրվում վերականգնելու հայկական անկախ պետականությունը»<sup>24</sup>:

XIX դ. առաջին երեսնամյակին գրավելով Արևելյան Հայաստանը՝ ռուսական արքունիքը փորձեց Անդրկովկասում մտցնել կայսերական վարչակարգեր: Ուստի և առժամանակ տեղական ինքնակառավարման առանձին տարրեր, որոնք կային պարսկական ազդեցության շրջանում, պահպանվեցին: Բայց միաժամանակ վերացվեցին ներքին ինքնավարության դրսևորումներ հանդիսացող մէլիքությունները, որոնց թվում և Արցախի մէլիքությունները:

<sup>22</sup> Армяно-русские отношения в XVIII веке (1760-1800 гг.), сборник документов, т. IV, Ер., 1990, էջ 179, 181: Ի դեպ, այդ նամակների ռուսերեն թարգմանություններում մէլիքների հայոց արքաներից սերված լինելու մասին հատվածը հանված է, իսկ «թագավոր», բառը փոխարինված «начальник» բառով (նույն տեղում, էջ 180, 183-184): Արցախում ազգային ազատագրության և պետականության համար պայքարի մասին տես նաև Բալայան Վ., Արցախահայ ազատագրական պայքարի բովանդակությունը 17-րդ դ. երկրորդ կեսից մինչև 1813 թ., Ստեփանակերտ, 2013 և նույնի՝ Դրվագներ արցախահայության ազատագրական պայքարի և պետականակերտման պատմության, (1813-2007 թթ.), Ստեփանակերտ, 2012:

<sup>23</sup> Գիրք անուանեալ Որոգայթ փառաց, Մադրաս, 1773, էջ 15-16:

<sup>24</sup> Հայոց պատմություն, ՀՀ ԳԱԱ հրատ., հ. III, գիրք առաջին, էջ 178:

XIX դ. երկրորդ կեսից սկսվում է մի ժամանակաշրջան, երբ Արևելյան Հայաստանում ռուսական վարչակարգերի վերջնական հաստատումից հետո, ինքնիշխանության գրեթե բոլոր ստիպելով վերանում են, իսկ Արևմտյան Հայաստանում, բացառությամբ Սասունի, Կիլիկիայում՝ Ջեյթունի, պայմանավորված հայ ժողովրդի համար ստեղծված քաղաքական ծանրագույն պայմաններով, պետականության վերականգնման համար պայքարը փոխարինվում է Օսմանյան կայսրության կազմում ընդամենը հայկական ինքնավարության հասնելու տեսլականով:

1918 թ. մայիսի 28-ով սկսվող **Հայաստանի Հանրապետության (1918-1920) պատմության փուլը** նշանավորվում է ոչ միայն անկախության վերականգնումով, այլ նաև իր վարչական կառուցվածքով ժողովրդավարական՝ խորհրդարանական հանրապետության ստեղծումով<sup>25</sup>: Ընդամենը երկուսուկես տարիների ընթացքում Առաջին հանրապետությունը ձեռք է բերում անկախ պետականությանը բնորոշ բոլոր հատկանիշները՝ տարածք, իշխանության մարմիններ, բանակ, միջազգային ճանաչում և այլն:

Նորագույն ժամանակաշրջանում Արցախը և ապանան Սյունիքը, արտաքին գործունեության պատճառով հնարավորություն չունենալով միանալ Հայաստանի Հանրապետությանը, ստեղծեցին սեփական պետական կազմավորումները և պայքար ծավալեցին Մայր հայրենիքին միանալու համար: 1918 թ. հունիսի 22-ին Շուշիում հրավիրվում է Արցախահայության առաջին համագումարը, որը կազմում է Ղարաբաղի ժողովրդական կառավարություն և երկրամասը հռչակում անկախ վարչատարածքային միավոր: Հետագա համագումարներում Արցախի հայությունն իր նորոշումներով կրկնում է Հայաստանի Հանրապետությանը միանալու իր վճռականությունը: Ադրբեջանի ռոնձգություններին դեմ մղած համառոտ արյունալի պայքարից հետո Արցախահայության 9-րդ համագումարը 1920 թ. ապրիլի 25-ին երկրամասը հռչակում է ՀՀ մաս: Այդ երկու տարիների ընթացքում Արցախը դառնում է հայոց նորագույն պետականության կերտման գլխավոր կենտրոններից մեկը<sup>26</sup>:

Քեմալաբուլ 2-ի կյան գործակցության արդյունքում 1920 թ. դեկտեմբերի 2-ին Հայաստանի Հանրապետության անկումից հետո անկախության դրոշմը շարունակում է ծածանել նույն ամսի 25-ին

<sup>25</sup>Տե՛ս Richard G. Hovannisian, The Republic of Armenia, vol. I-IV, Berkeley, Los Angeles, London, 1971-1996, Հակոբյան Արարատ, Հայաստանի խորհրդարանը և քաղաքական կուսակցությունները (1918-1920 թթ.), Եր., 2005:

<sup>26</sup>Մանրամասն տե՛ս Հարությունյան Հ., Լեռնային Ղարաբաղը 1918-1921 թթ., Եր., 1996, Արարատյան Հ., Մարտնչող Արցախը 1917-2000, գիրք 1, 1917-1923, Ե., 2003, և այլն:

Գարեգին Նժդեհի ղեկավարությունը՝ Տաթևի համագանգեզուրյան առաջին համագումարում հռչակված Ինքնավար Սյունիքը, որը 1921 թ. ապրիլի 27-ին վերանվանվում է Լեռնահայաստանի, իսկ հունիսի 1-ին՝ Հայաստանի Հանրապետության: Սյունիքը դառնում է ամբողջ անդրկովկասյան տարածաշրջանում վերջին անկախ պետական կազմավորումը<sup>27</sup>:

Խորհրդային Հայաստանը (մինչև 1936 թ. Հայաստանի Սոցիալիստական Խորհրդային Հանրապետություն՝ ՀՍԽՀ) քանի որ ունեւ պետությունը բնորոշ հատկանիշներով մեծ մասը, անշուշտ նույնպես պետականություն էր, առավել ևս, որ իր գոյություն առաջին տարիներին ունեւ հարաբերական անկախ կարգավիճակ:

Միաժամանակ չի կարելի մոռանալ, որ նույն՝ հարաբարական անկախություն էնթափուլում, օգտվելով Հայաստանի համար ստեղծված արտաքին ունեւքին անբարենպաստ պայմաններից, հայկական միջարք տարածքներ (Նախիջևան, Լեռնային Ղարաբաղ, Ուտիք, Կարսի մարզ, Սուրմալուի գավառ և այլն) դուրս մնացին ՀՍԽՀ սահմաններից: Դրանցից գոնե Լեռնային Ղարաբաղին Ադրբեջանի կազմում տրվեցին քննարկման արգային կարգավիճակ 1923 թ. հունիսի 7-ին, երբ կազմավորվեց Լեռնային Ղարաբաղի ինքնավար մարզը (ԼՂԻՄ): Վերջինս թեև զրկված էր ինքնավարություն շատ տարբերից, այնուամենայնիվ իր սահմանափակ ինքնավարություն շնորհիվ կարողացավ դիմակայել Ադրբեջանի ազգայնամուլ քաղաքականությունը և մինչև 1988 թ. Արցախյան շարժումը պահպանել երկրամասի ընդհանուր հայկական դիմագիծը:

Նորագույն ժամանակաշրջանում Հայոց պետականություն երրորդ անկախություն փուլը սկսվում է 1991 թ. սեպտեմբերից, երբ ամսի 2-ին կյանքի է կոչվում Լեռնային Ղարաբաղի Հանրապետությունը (Արցախի Հանրապետություն), իսկ 21-ին անցկացված համաժողովրդական հանրաքվեից հետո՝ Հայաստանի Հանրապետությունը: Այս գործընթացի հիմքերը փաստորեն դրվեցին Արցախյան ազատագրական հուժկու շարժումով, 1990 թ. մայիսին կայացած բազմակուսակցական, ժողովրդավարական ընտրություններով և նորընտիր Գերագույն խորհրդի (հետագայում՝ Ազգային ժողով) կողմից օգոստոսի 23-ին ընդունված «Անկախություն հռչակագրով»:

Ներկայումս հայկական երկու պետությունները՝ ՀՀ-ն և ԱՀ-ն, բոլորելով իրենց վերանկախացման երեսնամյակը,

<sup>27</sup>Տե՛ս Միմոնյան Արամ, Զանգեզուրի գոյապայքարը 1917-1920 թթ., Եր., 2017:



աշխարհաքաղաքական ծանրագույն պայմաններում իսկ, շարունակում են հայոց հինգ հազարամյա պետականության երթը:

Այսպիսով՝ հայոց պետականության ուրվագծային պատմության վերոհիշյալ շարադրանքը հուշում է, որ անհրաժեշտ է վերանայել հայ պատմագրության մեջ գոյություն ունեցած այն թյուր տեսակետը, որ դարեր շարունակ հայ ժողովուրդը եղել է պետականագուրկ: Անտարակույս, ժամանակ առ ժամանակ կործանվել է միայն միասնական թագավորությունը, իսկ պետական ինքնատիպ դրսևորումները՝ տեղական թագավորությունները, իշխանապետությունները, մելիքությունները և այլ կազմավորումները գրեթե բոլոր պատմափուլերում եղել են նորանվ իսկ պահպանել հայկական պետականության ընդհանուր շղթան: Այդ շղթայում, ինչպես երևաց, Արցախը մշտապես ունեցել է իր ծանրակշիռ տեղն ու դերը:

**ASHOT MELKONYAN**

Director of the Institute of History (IH),  
Academician NAS RA  
ashamelk@yahoo.com

## **ARTSAKH IN THE CONTEXT OF HISTORY OF THE ARMENIAN STATEHOOD SUMMARY**

*Keywords:* kingdom, Nagorno-Karabakh Republic, liberation struggle, Armenian people, state system, Artsakh, Eastern Armenia.

The Armenian statehood often appeared in different forms in the Armenian highlands at geographically favorable conditions (dictatorship, semi-independent community, etc.). It is noteworthy that many state formations of local significance have often been the basis for the formation of pan-Armenian states. In the form of a united, inter-state kingdom like within Van, as well as later within Yervand, Artashesyan and Arshakuni kingdoms, separate provinces continued to maintain sovereign status or at least have played a more important role in the life of the whole country because of their influential position. As a rule, these were the great constitutional authorities, the marchlands (Syunik, Gugark, Aghdznik, and others) or geographically-favored regions (Artsakh, Tayk, Moxs, Tavush, and others). Particularly, Artsakh has played a special role among them.

Thanks to the liberation struggle of the Armenian people during the Vardanants and Vahanants wars, starting from the 480s the Armenian state system was restored autonomously in the central part of Eastern Armenia - in the Ararat land, as well as in the eastern part of Armenia - in Artsakh under the leadership of Vachagan Barepasht.

In subsequent centuries, Arshakahiks continued their tradition of preservation of patriotism by the Hassan-Jalalians and other tribal noble houses in Artsakh. In the middle Ages, the Armenian fortresses and principalities were unique manifestations of statehood in Artsakh. There is no coincidence that the role of Artsakh was very

important in the liberation programs that were introduced in the second half of the 18th century.

Artsakh has been actively involved in the liberation struggle of the Armenian people in the new era. A modern state system was established in Artsakh in 1918-1920, which declared itself a part of the Republic of Armenia by the decision of the 9<sup>th</sup> congress of Artsakh Armenians on April 25, 1920. In the Soviet era, under Bolshevik's non-pro-Armenian policy, Artsakh has managed to maintain certain elements of its state system with the status of NKAR, formed on July 7, 1923, and to implement the Nagorno-Karabakh Republic on September 2, 1991.

### **АШОТ МЕЛКОНЯН**

Директор Института истории (ИИ),  
академик НАН РА  
ashamelk@yahoo.com

## **АРЦАХ В КОНТЕКСТЕ ИСТОРИИ АРМЯНСКОЙ ГОСУДАРСТВЕННОСТИ РЕЗЮМЕ**

*Ключевые слова:* Царство, Нагорно-карабахская Республика, национально-освободительное движение, армянское население, государственность, Арцах, Восточная Армения.

На территории Армянского нагорья в период отсутствия общеармянского царства армянская государственность имела и иные проявления (княжества, полунезависимые общины и т.д.). В этом плане в течение многих столетий выделялась историческая область Арцах.

После освободительных войн в начале 480-х годов армянская государственность была восстановлена в восточных регионах Армении, в частности, в Арцахе во главе с царем Вачаганом Барепаштом (Благочестивый).

В последующие века в Арцахе Араншахики, Допяны, Гасан-Джалаляны продолжили традиции государственных институтов. В позднем средневековье своеобразными проявлениями государственности в Арцахе стали армянские сигнахи и меликства. Не случайно, что значение Арцаха подчеркивалось в освободительных программах второй половины XVIII века.

Одним из первых регионов, восстановивших армянскую государственность в новое время, снова был Арцах в 1918-1920 годах. Даже в советские годы в условиях дискриминационной политики азербайджанских властей в отношении армянского населения, армяне Арцаха сумели сохранить статус государственности в составе Аз. ССР в качестве Нагорно-Карабахской Автономной Области, а 2 сентября 1991 года в результате мощного национально-освободительного движения провозгласить независимость Нагорно-карабахской (Арцахской) Республики.